



12. november 2009

Inatsisatut Suleriaasiaani § 36, imm. 1 naapertorlugu Naalackersuisunut apeqquut imaattoq matumuuna saqqummiuppara.

(Inatsisartuni ilaasortaq Juliane Henningsen, Inuit Ataqtigiit)

Naalackersuisunut apeqquutit:

- 1. "Misiliineq" pillugu suliarineqartoq aallaavigalugu ingerlaqqinnissamut siunnersuusiortermi Naalackersuisut sumut killippat?**
- 2. Pineqartut eqqissinissaat inuunerminnillu ingerlatseqqissinnaanissaat siunertaralugu Naalackersuisut qanoq iluuseqarniarpat?**
- 3. 1950-ikkut aallartinneranni pisimasoq Naalackersuisunit tamakkiisumik misissuivigineqarniarpa?**
- 4. Suliap qanoq ingerlaqqinnissaa piffissaliussallu pillugit Naalackersuisut qanoq ilisimatitsisinnaappat?**

Tungavilersuut:

1950-ikkut aallartinneranni Nunatsinni atuarfiup qallunaangorsarnera danskit naalagaaffianit aallartisarniarneqalerpoq, tassungalu atatillugu atuartut kalaallit immikkut pikkorissagassatut, Nunatsinnilu atuarfeqarfiup iluani atuartunut allanut maligassiuisussatut toqqakkanik perorsaaniarneq aallarnisarneqalerluni.

Meeqqat kalaallit qallunaatut pissuseqalernissaat taamatut "misiliinermi" siunertarineqarpoq. Tamannalu anguniarlugu meeqqat pineqartut ilaquuttatik qimallugit Danmark-imut aallartinneqarput. Meeqqat ilaquuttaminnut attaveqanngillat, kalaallisut oqaloqqusaanngillat sutigullu tamatigut nunaminnit avissaartitaallutik, taamaammallu meeqqat aallartinneqartut kulturimikkut, oqaatsimikkut kinaasutsimikkullu toqqammavissaarullutillu annaasaqarput.

"Misiliineq" tarnikkut misigissutsikkullu kingunipiloqarsimavoq, taamatuttaaq meeqqanut "misiliinermut" peqataatinneqartunut, ilaquutaannut tamatsinnullu inuiaqtigiinnut kalaallinut.

Pisimasoq "misiliummik" taaguuteqartoq, tassa meeqqat kalaallit 22-it 1951-imi Danmark-imut aallartitaanerit, septembarip qaammataani statsminister-ip Naalackersuisullu siulittaasuata ataatsimeeqatigiinnerini oqaluuserineqarpoq.

Maannakkullu Naalackersuisut qanoq iluuseqarniarnersut kiisalu danskit naalackersuisa suleqatiginissaannik qanoq takorluuisoqarnersoq paaserusullugu apeqquuteqaateqarpunga.

Statsminister-ip Naalackersuisullu siulittaasuata ataatsimeeqatigiinnerini qanoq tigussaasumik iluuseqartoqarnissaa pillugu Nunatsinnit siunnersuusiortoqassasoq isumaqtigiissutigineqarpoq. Suliaq tamanna sumut killippat?